



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Quaestio 60. De iuramento Notariorum & custodum carcerum.

urn:nbn:de:hbz:466:1-13589

fere singularum inquisitionum sunt, petenda, inter
qua hoc maxime obseruandum est, vt fidelissimi, &
integerrimi sint reorum custodes, alijs vix poterit
veritas ab illis inuestigari, si de his qua foris gerun-
tur per infidos custodes, & ministros, certiores ed-
dantur.

Cetera huc spectantia tradunt Syluester in sum-
mo verbo, haeresis. 2. q. 7. n. 9. Locutus in opere iudicia-
li verbo, carcer. nu. 11. & seq. Gondisalvus tracta-
de haeret. q. 1. n. 11. & seq. Conradus Brunus lib.
4. de haeret. c. 3. sed praeter ceteris Simancas de cath.
insti. tit. 16. nu. 7. & seq.

QVAESTIO LX.

De iuramento notariorum, & custo-
dum carcerum.

Sexagesima quaestio est; Vtrum Episcopi
notarij, & eius carcerum custodes ten-
neantur iurare coram Inquisitore de fi-
delitate: & contra, Inquisitoris notarij, & carcerum
eius custodes coram Episcopo?

Respondemus quod sic; iuxta c. Multorum. al-
leg. de haeret. in Clemen. in §. porro de custodib.
Inquisitorum carcerum, ibi dicitur sic; Porro cor-
am Episcopo uel capitulo sede uacante, & Inqui-
sitore, praedictis, uel substitutis ab eis custodes su-
praedicti, antequam suum officium exequantur, iu-
rabunt ad sancta Dei Euangelia corporaliter a se
tacta, quod in custodia immuratorum, & aliorum
pro crimine supra dicto in sua custodia positorum,
& ponendorum, omnem diligentiam, & sollicitu-
dinem, quam poterunt, fideliter adhibebunt.

De custodiibus uero carcerum Episcoporum,
dicitur ibi sic; Et quia saepe contingit Episcopos
proprios habere carceres, sibi & dictis Inquisito-
ribus non communes; uolumus, & distictè praeci-
pimus, ut custodes ad incarcerationum pro dicto
crimine custodiam per Episcopos, uel sede uacan-
te, per capitulum deputandi, & eorum ministri
coram dictis Inquisitoribus uel substitutis ab eis,
praestent simile iuramentum.

De notarijs sequitur sic; Notarij quoque in-
quisitionis coram Episcopo, & Inquisitore uel substi-
tutis ab eis, iurabunt suum officium fideliter exer-
cere. Et idem fiet de alijs personis necessarijs ad
praedictum officium exequendum.

COMMENT. CIX.

De iuramento praestando in sancto officio ab eius
ministris generaliter sancitum est, vt tam In-
quisitores ipsi, quam reliqui omnes officiales, &
ministri, quo tempore recipiuntur ad officia sua
exercenda, iurent quod bene, diligenter & fide-
liter officijs seu muneribus sibi iniunctis inseruiant,
unicuique ius suum tribuent sine acceptatione per-
sonarum, & secretum omnino seruabunt. Hispanen-
si instruet. anno MCCCCXVIII. c. incip. Item quo-
los dices Inquisidores.

Custodes autem carceris coram Episcopo, & In-
quisitore iurabunt, quod in custodiendis reis cura,

& sollicitudinem fidelem adhibebunt: & quod ne-
ter eorum alloquetur eos nisi coram altero custode:
& quod nihil subtrahent ex alimentis, nec ex illis
rebus, qua carceratis deferuntur: quod ipsum iura-
re et debet ministri eorum. ita colligitur a pertissi-
me ex dicta Clemen. 1. §. porro, de haeret. qua vritur
hoc loco Eymericus. idē docent beatus Antoninus
in sum. parte. 3. ti. 18. c. 2. §. 2. Syluester in summa,
verbo, haeresis. 2. quaest. 7. & Simancas de catho. in-
stit. tit. 26. de custodia reorum. nu. 10.

De iuramento notariorum sancti officij similiter
constitutum est, vt idem praestent iuramentum non
enim sufficit, quod quando notarij creati fuerunt,
iurauerunt officium suum fideliter exercere, cap. ad
audientiam, de praescrip. glos. in l. quaedam §. num-
mularios. verbo, decurritur. ff. de edendo. nam eo iu-
ramento non obstante, cum in notarios sancti officij
recipiuntur, iterum iurare debent. glo. in dicta Cle-
men. 1. §. porro. verbo, iurabunt. 2. de haeret. & notat
communiter ibidem Zabarella, Imola, & alij, &
Nicolaus Arelatanus tracta. de haeret. notabili
36. incipien. Nota quod Ioannes Roias in singula-
ribus fidei, sing. 141. incipien. Notarius quando
creatur. Lucerna Inquisitorum, verbo, notarij. §. 1.
& alij, quos omitto consulto.

QVAESTIO LXI.

De quaestionibus, & tormentis.

SUMMARIUM.

1. Episcopus, & Inquisitor simul tormentis ex-
ponere possunt.
2. Indicia ad torturam sufficientia sunt varietas,
& vacillatio.
3. Infamia cum vno teste de scientia.
4. Infamia cum indicijs vehementibus vno, vel
pluribus.
5. Testis de scientia cum vno vel pluribus indi-
cijis vehementibus.
6. Indicia plura vehementia seu violenta.
7. Infamia cum teste de scientia & indicijs vehe-
mentibus.
8. Nullus torqueri debet ex sola infamia, vel pro
pter vnum testem seu indicium tantum.

Sexagesima prima quaestio est: Vtrum Epi-
scopus, & Inquisitor possint aliquos ex-
ponere quaestionibus, & tormentis, &
ex quibus indicijs atque causis?

Respondemus quod primū non est dubium,
quin Episcopus, & Inquisitor possint aliquos ex-
ponere quaestionibus, & tormentis coniunctim,
sed non diuisim, iuxta cap. Multorum, de haeret.
in Clemen. in principio, ubi enumeratis quae potest
facere quilibet diuisim, de his, quae habent facere
communiter, & coniunctim, sequitur sic; Duro
tamen tradere carceri siue arcto qui magis ad pe-
nam, quam ad custodiam uideatur; uel tormentis
exponere illos, aut ad sententiam procedere con-
tra eos, Episcopus sine Inquisitore, aut Inquisitor
sine Episcopo dicecesano, aut eius officiali, uel Epi-
scopali sede uacante capituli super hoc delega-
to,

Relat supra
pag. 111.